


晉書地理志新補正(二)記



晉書地理記

王畢
隱元
撰集

晉太康三年地志王隱晉書地道志總序

兵部侍郎兼都察院右副都御史巡撫陝西西安等處地方督理軍務兼理糧餉欽加一品頂帶

畢沅撰

晉太康地志不著撰人。舊唐書五卷云太康三年撰。新唐書十卷其稱太康三年地志者一見于宋書州郡志會稽郡始寧令下一見裴松之三國志注孫皓起顯明宮下。考晉書武帝太康四年徙遼東王粲爲東萊王。而是志于東萊尙言郡水經注太康五年改信都曰長樂。而是志尙云信都。則書成于太康三年無疑。惟晉書地理志云罷秦州亦在三年。而是志尙列秦州。或書成後州始廢矣。晉初輿地之學最著者裴司空秀繼之以京相璠摯虞。是書或成于數君之手。同時杜預注經。晉灼注史。其精核皆有所不及。今復其舊名曰太康三年地志。若沈約止稱之爲地志。酈道元稱爲地記。司馬貞張守節稱爲地理記。新唐書稱爲土地記。其實一也。晉書地道記晉王隱撰。在晉書九十三卷之中。不知卷數。今觀其所列青州下有北海郡暨都昌安邱諸縣。西河郡有穀遠縣。義興郡有陽羨縣等。皆與今晉書地理志殊。考杜預左傳注北海郡有都昌縣。地形志下密晉屬北海。劇都昌平壽膠東四縣皆云晉後屬北海。其卽墨下密二縣則沈志稱太康地志晉初已屬北海。是晉有北海郡可知。太平寰宇記晉末省穀遠縣。則西晉有穀遠也。晉書地理志割吳興陽羨并長安縣之北鄉置義鄉國山臨晉三縣合平陵永世陽羨凡六縣立義興郡。

則義與有陽羨也。準是數條。則處叔所編。足正唐人撰述之謬。非僅與太康地志相爲發明已耳。蓋二書作于晉。而盛行于齊梁北魏之時。沈約撰宋書。劉昭注續漢書。魏收述魏史。所徵輿地之書。不下數百。然約之州郡。惟準太康。昭之注郡國。收之述地形。則一本地道。他若酈道元等。又皆懸其片言。視若準的。今觀沈約之論曰。州郡一志。唯以續漢郡國校太康地志。參伍异同。用相徵驗。魏收之序曰。班固考地理。馬彪志郡國。魏世三分。晉又一統。地道所載。又其次也。足知當時言地理者。自兩漢地志之外。于三國及秦始之際。則徵太康。于晉之東西。則徵地道。不以別書參之。亦信而有徵者矣。至唐而藝文類聚。史記注。文選注。所徵引。始覺寥寥。則是書已不顯也。宋初修太平御覽。尙述是書。故樂史寰宇記亦間引之。厥後闕如。蓋亡失可知矣。余年來官事之暇。好搜討地理之書。以爲有益于實事實學。茲以舊所掇集者。各分爲卷。付之剞劂。其元康地志。及不著姓氏晉地志。晉書地理志。數條。亦附錄焉。庶嗜古者有所采云耳。時乾隆四十九年。歲在甲辰。八月十五日。

晉太康三年地志王隱晉書地道志後敘

靈巖山館叢書。大類有三。小學家一。地理家二。諸子家三。地理自三輔黃圖至宋敏求長安志。凡若干種。先生以亮吉纂知湛濁。稍別廣輪。每成志地之書。輒預校讐之役。閱逢執徐歲。壯月。所校太康志。地道志。二卷刊成。授簡賓筵。命書後序。謹按太康三年者。晉平吳後第二年也。日南之地。甫入輿圖。建業之宮。裁爲郡治。于是潘岳著關中之記。摯虞成畿服之經。王範上交廣之書。徐氏作都城之錄。唐李善注文選。稱太康地志曰。都盧國。其人善緣高。是知州郡之外。又志八荒風土之餘。兼詳異俗。拓地萬里。成于二紀。劉石未興。揚益旣滅。令甲之所載。典午之最盛云。厥後賈耽之述四夷。樂史之詳百國。蓋權輿于此。與王隱以作史之才。著承家之美。時則五馬渡江。纔逾三主。羣龍戰野。已沒八州。而史氏區區。欲按伊洛之圖。舉秦函之界。雖寰中百縣。曾隸方輿。而海外十洲。同夫飄渺。撫劍及伊吾之北。而褰裳阻天限之江者焉。今觀所述姑臧。穀遠。辨方語之譌。大夏。令支。補職方之闕。采聲罔實。或見諄于酈元。綰籍陳圖。庶亟登于劉氏矣。以此編摩。推其紹述。則仲遠一記。旣導美于太康。彥季全編。殊有功于處叔。飲水知源。撫柯求葉。亦沈約。魏收之祖也。昭代右文。坤輿日闢。皇帝復撰靈河之紀。著灤水之源。輿書歸于乙部。盧牟資夫宸斷。巍乎大哉。莫以尙矣。先生才爲命世。學旣專家。每集一編。期乎匝月。煥綠字赤文之采。補蘭臺石室之藏。

茫乎莫測。與望若之驚。疑者勿言。守闕如之義。亮吉不敏。遂不辭而序之云爾。元月朔日。門生陽湖洪亮吉書于中隆僊館。

晉書地道記

晉王隱撰

清畢沅集

司州河南郡

尸鄉故殷湯所都者也。亦曰湯亭。田橫死於是亭。故改曰尸鄉。酈道元水經注。陽渠水下。

右雒陽。

王城去雒城四十里。劉昭續漢書郡國志注補一。

酈在縣西南。有酈亭。同上。右河南。

訾在縣之東。劉昭注補一。

坎埒聚在縣南。同上。坎埒聚在鞏西。水經注洛水下稱管太康地記。晉書地道記。

右鞏。

濟自大伾入河。與河水鬪。南決爲滎澤。水經注濟水下濟自大伾入河。與河水鬪。大伾在成皐。古成皐兼包鞏縣

之界。溢出爲滎水。太平御覽水部右成皐。

潁水出陽城山。劉昭注補二右陽城。

陽翟去洛陽二百八十六里。屬河南。劉昭注補二

釣臺下有坡。俗謂之釣臺陂。太平寰宇記七右陽翟。

滎陽郡

京有大索小索亭。漢書京索之間也。水經注濟水下右京。

陽武滎陽有博浪沙。張良爲韓擊秦始皇處。太平御覽州郡五太平寰宇記二

右陽武。

宏農郡

漢宏農、本函谷關有桃林也。太平寰宇記六

宏農亭、在宏農縣東十三里。水經注河水下

右宏農

胡縣、漢武帝改作湖。水經注河水下稱晉書地道記太康記

右湖

秦之華陽潼關是也。劉昭注補一

太華山、在縣西南。同上 右華陰

上洛郡

郡在洛上。故以爲名。水經注渭水下

嶢關、當在上洛縣西北。同上 右上洛

伊水、東北入雒。劉昭注補二 右盧氏

平陽郡

平陽、有堯城。

劉昭注補一。

右平陽。

楊、故楊侯國。晉滅之。以賜大夫羊舌肸。漢以爲縣。屬河東郡。後漢同。魏置平陽郡。楊縣屬焉。

太平寰宇記四十三。

梁城、去楊縣五十里。叔嚮邑也。

劉昭注補一。

右楊。

河東郡

咸山、在安邑南。

同上。

右安邑。

晉武公從曲沃徙此。

同上。

右襄陵。

左傳、文十三年、詹嘉處瑕、在猗氏縣東北。

同上。

右猗氏。

汲郡

汲縣有銅關。劉昭注補一。

右汲。

朝歌城本沫邑也。水經注淇水下。

右朝歌。

庾袞入林慮山食木實餌石藥得長年也。陳藏器本草稱王隱晉書。

右林慮。

河內殷國也。周名之爲南陽。秦始皇改曰修武。水經注清水下稱王隱說。

右修武。

廣平郡

肥鄉太康中立以隸廣平。水經注濁漳水下。

右肥鄉。

陽平郡

元城縣南有瑯陽城。劉昭注補二。

右元城。

樂平東南有夷儀道通襄國夷儀山在城北故塞。太平寰宇記五十九。

右樂平。

魏郡

高堂隆刻鄴宮屋材云。後若干年。當有天子居此宮。惠帝止鄴宮。屋土剝。更屋。始見刻字。計年在今時。太平

御覽居處部一。 右鄴。

兗州陳留郡

儀封人。淩儀人。此縣人也。劉昭注補二。 右淩儀。

長垣。古衛故匡城地。孔子所厄處也。太平御覽州郡四。 右長垣。

承匡城。在縣西。左傳文十一年。會卻缺于承匡。劉昭注補三。案太平御覽誤列入長垣縣下。 右襄邑。

濮陽郡

廩丘者。春秋之所謂齊邑矣。水經注瓠子水下。 右廩丘。

濟陽郡

成武縣有稭城。劉昭注補三

右成武。

高平國

金鄉縣多山。所治名金山。山北有鑿石爲冢。深十餘丈。隧長三十丈。旁却入爲室三方。云得白兔不葬。但葬南山。鑿而得金。故曰金山。故冢今在。或云漢昌邑所作。或云秦時。上同

右金鄉。

湖陸縣西有費亭城。魏武帝初所封。上同

右湖陸。

東平國

壽張有蚩尤祠狗墟。上同

右壽張。

秦亭在范縣西北。上同

豫州潁川郡

長社縣、本名長葛、社中樹暴長、漢改名。劉昭注補二

右長社。

汝南郡

吳房、有吳城。同上。

右吳房。

襄城郡

襄城故城、楚靈王築。水經注汝水下。

右襄城。

高陵山、汝水所出。劉昭注補二。

右定陵。

汝陰郡

汝陰、有臨邱鄉、詩所謂汝墳。同上。

右汝陰。

新蔡、有大呂亭、故呂侯國、上同

右新蔡、

梁國

梁孝王築城十二里、小鼓唱節、杵下而和之、稱睢陽曲、上同

昭二十一年、禦諸橫、橫亭、在睢陽縣南、上同

右睢陽、

項、有公路城、袁術所築、上同

右項、

陳城、西南角有淮陽城、漢淮陽國城也、太平寰宇記卷十

陳城南道東、有宛邱、漸欲平、水經注沙水下

陳城北有故沙、名之爲死沙、上同

陳城北有谷水、上同

右陳、

惠帝永康中復立陽夏縣。

太平寰宇記卷十

右陽夏。

苦城南三十里有平城。

劉昭注補二

右苦。

沛國

沛有許城。左傳定八年鄭伐許。

同上

右沛。

左傳昭八年大蒐于紅。

同上

右紅。

晉書地理志作虹

譙郡

左傳隱二年入向城。在龍亢縣東南。

同上

右龍亢。

魯郡

孔子葬于魯城北泗水上。

水經注泗水下

五父衢，在魯城東。劉昭注補二。

右魯。

薛，夏正奚仲所封。冢在城南二十里山上。同上。

仲虺城，在薛城西三十里。水經注泗水下。右薛。

弋陽郡

西陽，故弦子國也。水經注江水下。右西陽。

楚滅邾，徙其君此城。劉昭注補四。右邾。

安豐郡

左傳襄公二十六年，楚子、秦人侵吳，及雩婁，聞吳有備而還。雩婁，在安豐之西南。水經注淩水下。右雩婁。

安豐縣，屬安豐郡，俗名之曰安城。水經注汎水下。右安豐。